

OPĆINA OLOVO



BUDŽET ZA GRAĐANE

2026. godina



Dragi građani i građanke,

Predstavljam Vam vodič za građane „Budžet za građane“ Općine Olovo koji na jednostavan način prikazuje kako se planira, prikuplja i troši novac iz budžeta Općine Olovo tokom budžetske godine.

„Budžet za građane“ ima za cilj da javnosti omogući bolji uvid u planiranje i prikupljanje budžetskih sredstava, te razumijevanje načina na koji se vrši raspodjela sredstava budžetskim korisnicima i ostalim korisnicima sredstava iz budžeta Općine Olovo.

Ovaj vodič kroz budžet namijenjen je svim građanima koji žele da budu obaviješteni o planovima Općine Olovo za prikupljanje prihoda i primitaka i utrošak rashoda i izdataka, odnosno da prate realizaciju postavljenih ciljeva Općine Olovo. Kroz „Budžet za građane“ želimo Vam omogućiti ne samo bolje razumijete nadležnosti Općine Olovo kao lokalne samouprave, već i pokazati područja na koja usmjeravamo budžetska sredstva.

U cilju povećanja stepena uključenosti zajednice u proces planiranja i odlučivanja, bolje transparentnosti u upravi i podrške većem učešću javnosti u procesu planiranja i razvoja zajednice, Općina Olovo je uspostavila mehanizam za izradu budžeta i plana kapitalnih investicija za ostvarivanje kontinuiranog i šireg dijaloga između civilnog društva, mjesnih zajednica i lokalnih organa vlasti. Na ovaj način nastavljamo unapređivanje otvorenog i odgovornog odnosa sa građanima u procesima donošenja važnih odluka na lokalnom nivou.

Novac kojim raspolaže lokalna vlast je novac građana. Prihodi se prikupljaju od pravnih i fizičkih lica kroz poreze (na plaće i radnu snagu, na imovinu, na promet nepokretnosti, na dohodak, kroz indirektnu poreze ...), te kroz plaćanje raznih taksi i naknada. Pored toga, prihodi se prikupljaju od koncesija za iskorištavanje prirodnih resursa, naknada za korištenje državnih šuma, naknada koje uplaćuju zagađivači u svrhu zaštite okoliša i dr.

Jedan od važnih mehanizama za obezbeđivanje transparentnosti rada organa lokalne samouprave jeste javna rasprava. Javna rasprava pruža Vam priliku da u pisanoj formi iznesete svoje prijedloge, primjedbe i sugestije. Svi dostavljeni prijedlozi pažljivo se razmotre i, unutar razumnih granica, uvrste u budžet.

Također, na raspolaganju su Vam i naše mjesne zajednice kao direktna veza između Vas i Općine Olovo. One su tu da nam „prenesu“ Vaše zahtjeve i želje.

Vaš doprinos u kreiranju budžeta na ovakav način pomoći će nam da identifikujemo prioritete i stvarne potrebe građana. Vaše aktivno učestvovanje u budžetskom procesu rezultirat će kvalitetnijim upravljanjem lokalnom zajednicom.

Hvala Vam na podršci i učestvovanju u oblikovanju budućnosti naše lokalne zajednice!

Vaš Općinski načelnik
Đemal Memagić s.r.

ZAŠTO je budžet toliko značajan?

Tradicionalno gledište je da je budžet jednostavan iskaz prihoda i rashoda, prikaz računovodstvenih kategorija kojima se bave računovođe, bez potrebe da se u njegovu pripremu uključe i službenici koji rade na planiranju politika.

U modernim ekonomijama, budžet se više ne posmatra na takav način. Naime, za gotovo svaku odluku o politikama potrebno je finansiranje. Budžet je sredstvo koje pretvara vladine politike u programe i usluge za građane. Međutim, budući da su vladina sredstva uvijek ograničena, odnosno zahtjevi građana za uslugama prevazilaze raspoložive resurse, vlade moraju donositi odluke o prioritetima potrošnje. U idealnim uslovima, ove odluke trebaju biti usklađene sa najznačajnijim socijalnim i ekonomskim prioritetima.

Budžet objašnjava i način na koji se troši novac poreznih obveznika, te treba predstavljati i rezultate ove potrošnje. Predstavljeni rezultati omogućavaju poreznim obveznicima da zaključe da li se njihova sredstva „pametno troše“ i da li vladine odluke donose “vrijednost za uloženi novac”.

Budžet je i sredstvo ekonomskog upravljanja. Prevelika potrošnja uz ograničene resurse vodi budžet u deficit i može imati negativne posljedice na ekonomski menadžment. Problem izrade budžeta je problem sa kojim se suočavaju sve lokalne zajednice. Budžet se priprema i usvaja prema budžetskom kalendaru.

Sredstva budžeta koriste se za finansiranje poslova, funkcija i programa organa općine, kao i drugih korisnika budžeta, te prava primalaca sredstava budžeta utvrđenih zakonima i drugim propisima donesenim na osnovu zakona.

Budžet mora biti uravnotežen tako da ukupni prihodi i primici pokrivaju ukupne rashode i izdatke.

Prihodi i primici služe za podmirivanje rashoda i izdataka. Budžetski korisnici mogu preuzeti obaveze na teret budžeta tekuće godine samo za namjene i do visine utvrđene u posebnom dijelu budžeta, ako su za to ispunjeni svi zakonom i drugim propisima utvrđeni uslovi.

Ukupno planirani prihodi i primici Budžeta Općine Olovo za 2026. godinu iznose 7.700.000 KM.

Nadležnost Općine Olovo

Općina Olovo kao jedinica lokalne samouprave, kako je to utvrđeno Zakonom o principima lokalne samouprave u Federaciji BiH, ima vlastite nadležnosti ustanovljene ustavom i zakonom i ima pravo baviti se svim pitanjima od lokalnog značaja koja nisu isključena iz njene nadležnosti, niti dodijeljena u nadležnost neke druge vlasti na osnovu ustava i zakona.

Općina je samostalna u odlučivanju o pitanjima iz vlastitih nadležnosti, koje ne mogu biti ograničene ili uskraćene od federalnih ili kantonalnih vlasti, osim u slučajevima i u okvirima utvrđenim ustavom i zakonom. Nadležnost Općine Olovo utvrđena je Statutom Općine Olovo („Službeni glasnik Općine Olovo“, broj: 2/07, 4/08, 7/18 i 8/19)

Organi jedinice lokalne samouprave su vijeće i načelnik/ca.

Jedinice lokalne samouprave imaju pravo na pokretnu i nepokretnu imovinu i na odgovarajuće izvore finansiranja kojima slobodno raspolažu u okviru svojih nadležnosti, kao i na sredstva za obavljanje

BUDŽET
je akt kojim se planiraju prihodi i primici, te rashodi i izdaci općine za razdoblje od jedne fiskalne godine

delegiranih ili prenesenih poslova iz okvira prava i dužnosti viših tijela vlasti. Učešće Općine Olovo u finansiranju određenih nadležnosti i poslova na lokalnom nivou prikazano u tabeli koja slijedi:

UČEŠĆE OPĆINE	Potpuno finansira Općina	Uglavnom finansira Općina	U manjoj mjeri finansira Općina
Obrazovanje			X
Opća uprava (matični ured, javna uprava, civilna zaštita....)	X		
Zdravstvena zaštita			X
Socijalna zaštita		X	X
Kultura	X	X	
Urbanizam, prostorno uređenje, stambena politika	X		
Komunalne i druge javne uslužne djelatnosti	X	X	
Zaštita okoliša		X	X
Saobraćaj-transport	X	X	
Privreda i poljoprivreda			X

Operativni budžetski kalendar

Operativni budžetski kalendar za izradu i donošenje budžeta i dokumenta okvirnog budžeta je raspored različitih faza i procedura/aktivnosti u okviru svake faze neophodnih za pripremanje, planiranje i usvajanje budžeta za narednu fiskalnu godinu kao i dokumenta okvirnog budžeta za period od tri godine. Budžetski kalendar propisan je članom 15. Zakona o budžetima u Federaciji Bosne i Hercegovine.

Budžetski kalendar je postupak pripreme i donošenja budžeta i finansijskih planova izvanbudžetskih fondova

Prvi korak u izradi i donošenju budžeta jeste izrada i dostavljanje „**instrukcije broj 1**“ budžetskim korisnicima. Svrha budžetske instrukcije jeste da budžetske korisnike obavijesti o rokovima, procesima i zahtjevima za dostavu podataka u procesu pripreme dokumenta okvirnog budžeta, a posebno budžeta za narednu godinu, te da se daju upute za pripremu prijedloga prioriteta budžetskih korisnika za razdoblje od tri godine. Općina je dužna dostaviti budžetsku „instrukciju broj 1“ do 15.02. tekuće godine.

Dokument okvirnog budžeta – skraćeno DOB

DOB je akt koji sadrži makroekonomske projekcije i prognoze budžetskih sredstava i izdataka za naredne tri godine i na kojem se zasniva priprema i izrada budžeta

DOB izlaže fiskalnu strategiju i budžetske planove za sljedeće tri godine i ima za cilj da razvije bolju stratešku osnovu za pripremu budžeta. DOB predstavlja preliminarni okvirni nacrt budžeta za jednu godinu, te daje okvirna predviđanja za sljedeće dvije godine. Osnova za izradu budžeta zasniva se na procjeni privrednog razvoja, razvoja socijalnog sektora, makroekonomskih pokazatelja, te prognozi prihoda i rashoda za godine koje su obuhvaćene dokumentom okvirnog budžeta.

Budžetski korisnici, na osnovu „instrukcije broj 1“, najkasnije do 15.04. dostavljaju Službi za ekonomske poslove prijedloge prioriteta za izradu DOB-a.

Služba za ekonomske poslove Općine Olovo predlaže Općinskom načelniku da razmotri i usvoji dokument okvirnog budžeta Općine Olovo do 15.06. tekuće godine kao osnovu za pripremu, planiranje i izradu budžeta i finansijskih planova u Općini Olovo. Nakon usvajanja DOB se dostavlja Općinskom vijeću kao informacija i objavljuje na web stranici Općine Olovo do 15.07. tekuće godine .



Sljedeći korak u izradi i donošenju budžeta je sačinjavanje i dostavljanje budžetske „**instrukcije broj 2**“. Svrha budžetske „instrukcije broj 2“ jeste da se daju početna budžetska ograničenja i smjernice za izradu zahtjeva budžetskih korisnika. Na osnovu „instrukcija broj 2“ za izradu nacrt budžeta, budžetski korisnici izrađuju prijedlog finansijskog plana na nivou analitičkog konta. Budžetski korisnici su dužni svoj finansijski plan dostaviti Općini do 15. augusta tekuće godine.

Do 15.08. Budžetski korisnici dostavljaju Službi za ekonomske poslove svoje budžetske zahtjeve. Po zaprimanju budžetskih zahtjeva korisnika budžeta Služba ekonomske poslove vrši obradu zahtjeva, obavlja konsultacije sa budžetskim korisnicima u vezi sa zahtjevima budžetskih korisnika i prioritetima budžetske potrošnje, nakon čega se pristupa izradi nacrt budžeta.

Nacrt budžeta dostavlja se Općinskom načelniku do 31.10. tekuće godine.

U skladu sa članom 33. Zakona o budžetima u Federaciji Bosne i Hercegovine općinske službe za finansije, prije dostavljanja nacrt/prijedloga budžeta općinskom vijeću na razmatranje, obavezne su pribaviti **mišljenje kantonalnog ministarstva finansija** u vezi s planiranim prihodima i primicima i primjene fiskalnog pravila iz člana 43. Zakona o budžetima u Federaciji Bosne i Hercegovine.

Općinski načelnik utvrđuje nacrt budžeta i dostavlja ga, uz prateću dokumentaciju propisanu Zakonom o budžetima u Federaciji BiH, Općinskom vijeću na dalje postupanje do 15.11. tekuće godine.



Zaključkom Općinskog vijeća Olovo usvaja se nacrt budžeta i upućuje u javnu raspravu. **Javna rasprava** se provodi i o odluci o izvršenju budžeta Općine Olovo. Odlukom o izvršenju budžeta uređuje se struktura prihoda i primitaka, rashoda i izdataka budžeta, njegovo izvršavanje, prioriteti plaćanja i upravljanja dugom, prava i obaveze korisnika budžetskih sredstava, finansijsko izvještavanje, ovlaštenja Općinskog načelnika i općinskih službi, prava i obaveze korisnika budžetskih sredstava u izvršavanju budžeta, kao i druga pitanja u izvršavanju budžeta za tekuću godinu. Organ za provođenje javne rasprave je Općinski načelnik.

Poslije provedenih javnih rasprava, Općinski načelnik dostavlja Općinskom vijeću na razmatranje i usvajanje prijedlog budžeta. **Prijedlog budžeta** predstavlja projekciju očekivanih privrednih i fiskalnih kretanja u godini za koju se budžet izrađuje i utemeljen je na rezultatima izvršenja budžeta za devet mjeseci tekuće godine, te pokazateljima izvršenja budžeta ranijih godina, metodom poređenja i procjenom vrijednosti očekivanih budžetskih pozicija. Prijedlog se dostavlja Općinskom vijeću na razmatranje. **Općinsko vijeće donosi Budžet do 31.12. tekuće godine za narednu godinu.**



Na prijedlog budžeta mogu se ulagati **amandmani**. Sve izmjene i dopune koje općinsko vijeće prihvati putem amandmana na predloženi budžet ne smiju preći iznos utvrđene gornje granice rashoda i izdataka. Amandmani kojima se predlaže povećanje budžetskih rashoda i izdataka iznad iznosa utvrđenih prijedlogom budžeta, mogu se prihvatiti pod uslovom da se istovremeno predloži smanjenje drugih rashoda i izdataka u posebnom dijelu budžeta.

Ukoliko Općinsko vijeće ne donese budžet prije početka fiskalne godine privremeno se, na osnovu **odluke o privremenom finansiranju**, nastavlja finansiranje poslova, funkcija i programa korisnika budžeta. Odluku o privremenom finansiranju donosi Općinski načelnik. Privremeno finansiranje obavlja se najduže za prva tri mjeseca fiskalne godine. Privremeno finansiranje obavlja se srazmjerno sredstvima utrošenim u istom periodu a najviše do tromjesečnog prosjeka za prethodnu fiskalnu godinu.

Ako se u toku budžetske godine zbog nastanka novih obaveza za budžet ili promjena privrednih kretanja povećaju rashodi i/ili izdaci, odnosno smanje prihodi i/ili primici budžeta Općinski načelnik može donijeti odluku o obustavljanju izvršavanja pojedinih rashoda i/ili izdataka u trajanju 45 dana. Ako se za vrijeme provođenja mjera privremene obustave izvršavanja budžeta budžet ne može uravnotežiti, vrše se **izmjene i dopune budžeta**.

Nakon donošenja budžeta, Služba za ekonomske poslove obavezna je izvjestiti budžetske korisnike o odobrenim sredstvima. **Budžet se izvršava u skladu sa prilivom sredstava na depozitni račun.** U slučaju da priliv sredstava ne prati planiranu dinamiku budžet se izvršava po prioritetima utvrđenim odlukom o izvršenju budžeta. Budžet, odluka o izvršavanju budžeta, odluka o izmjenama i dopunama budžeta, odluka o privremenom finansiranju i godišnji izvještaj o izvršenju budžeta objavit će u Službenom glasniku Općine Olovo i web stranici Općine u roku od 10 dana od njihovog donošenja.

Prihodi budžeta Općine Olovo


Javni prihodi su prihodi od poreza, taksi, naknada, doprinosa, kazni i ostalih javnih prihoda ustanovljenih zakonima i drugim propisima BiH, Federacije, kantona i općina. **Vlastiti prihodi**, u smislu Zakona o budžetima u Federaciji Bosne i Hercegovine, su prihodi koje korisnici budžeta ostvare obavljanjem osnovne djelatnosti i ostalih poslova korisnika budžeta na tržištu. **Budžetski prihodi** su javni prihodi, primljeni transferi i donacije. **Budžetski primici** su prilivi novca od finansijske i nefinansijske imovine i zaduživanja. **Budžetski rashodi** propisani su zakonom i propisima donesenim na osnovu zakona za poslove, funkcije i programe koji se planiraju u budžetu i finansijskim planovima budžetskih korisnika. Budžetski rashodi obuhvataju troškove plaća i naknada zaposlenika, doprinose poslodavaca i druge doprinose, izdatke za materijal, sitni inventar i usluge, tekuće transfere i druge tekuće rashode, kapitalne transfere, te izdatke za kamate. **Budžetski izdaci** su izdaci za finansijsku i nefinansijsku imovinu i otplatu kredita i zajmova.

Prihodi se evidentiraju i priznaju u periodu u kojem su raspoloživi i mjerljivi, a rashodi se priznaju u trenutku nastanka obaveze

PROCJENA PRIHODA I PRIMITAKA

Ukupno planirani prihodi i primici Budžeta za 2026. godinu, predloženi ovim budžetom, iznose 7.700.000, što u odnosu na rebalans plana budžeta za 2025. godinu (7.011.000 KM) predstavlja povećanje od 9,83%, odnosno za 689.000 KM.

Red. br	Glavna kategorija	Naziv konta	Prijedlog 2026. godina
1	7100000	Prihodi od poreza	3.160.300
2	7200000	Neporezni prihodi	881.700
3	7300000	Tekući transferi	1.393.500
4	7400000	Kapitalni transferi	1.793.500
5	8100000	Kapitalni primici	471.000
6	5900000	Neraspoređeni višak prihoda i rashoda	0
Ukupno		PRIHODI I PRIMICI	7.700.000




71 - Prihodi od poreza

Ekonomski kod 7100000 – planirani iznos prihoda od 3.160.000 KM, što u odnosu na rebalans Budžeta Općine Olovo za 2025. godinu predstavlja smanjenje u iznosu od 109.480 KM.

Porezni prihodi planirani su kako slijedi:

Red. br.	Podkategorija	Naziv konta	Prijedlog 2026. godina
1	714000	Porez na imovinu	235.000
2	716000	Porez na dohodak	857.000
3	717000	Prihodi od indirektnih poreza	2.068.000
UKUPNO			3.160.000




Zakonom o pripadnosti javnih prihoda u Federaciji BiH je detaljno regulirana raspodjela prihoda od indirektnih poreza između Federacije, kantona, jedinica lokalne samouprave i direkcija za ceste, te ugrađene mjere koje se odnose na postepeno uvođenje novog modela raspodjele prihoda po osnovu indirektnih poreza između svih nivoa vlasti u Federaciji BiH. Uputstvom o određivanju učešća kantona, jedinica lokalne samouprave i nadležnih kantonalnih organa za ceste u prihodima od indirektnih poreza i načinu raspodjele tih prihoda svake godine određuje se % učešća općina u raspodjeli. Procenat učešća Općine Olovo za 2026. godinu je 0,455%

72 – Neporezni prihodi

Ekonomski kod 7200000 – neporezni prihodi planirani su u iznosu od 881.700 KM i manji su u odnosu na rebalans plana za tekuću godinu za 41,40% ili 623.020 KM. Neporezni prihodi planirani su kako slijedi:

Red br	Podkategorija	Naziv konta	Prijedlog 2026. godina
1	721000	Prihodi od poduzetničkih aktivnosti i imovine i prihodi od pozitivnih kursnih razlika	207.800
2	722000	Naknade, takse i prihodi od javnih usluga	673.900
3	723000	Novčane kazne (neporeske prirode)	0
UKUPNO			881.700



- Prihodi od poduzetničkih aktivnosti i imovine i prihodi od pozitivnih kursnih razlika
- Naknade, takse i prihodi od javnih usluga
- Novčane kazne (neporeske prirode)

73 –Tekući transferi i donacije

Ekonomski kod 7300000 - tekući transferi (transferi i donacije) planirani su u iznosu od 1.393.500 KM i veći su za 299.500 KM u odnosu na rebalans plana tekuće godine. Sredstva su planirana na osnovu izvršenja ranijih godina, te činjenice da 2026. godina izborna godina.

74 – Kapitalni transferi

Ekonomski kod 7400000 - kapitalni transferi u rebalansu budžeta za 2025. godinu planirani su u iznosu od 769.500 KM. Isti su za 2026. godinu planirani u iznosu od 1.793.500 KM i veći su za 1.024.000 KM. Razlog za povećanja su očekivani kapitalni transferi od viših nivoa vlasti i transferi koji su doznačeni u toku tekuće godine (razgraničeni).

81 – Kapitalni primici


Ekonomski kod 8100000 - kapitalni primici u budžetu za 2025. godinu su planirani u iznosu od 373.000 KM (rebalans), a plan za 2026. godine iznosi 471.000 KM (plan viši za 98.000 KM).

PROCJENA RASHODA I IZDATAKA

Ukupno planirani rashodi i izdaci Budžeta za 2026. godinu, predloženi ovim prijedlogom, iznose 7.700.000 KM. Od ukupnog iznosa planiranih rashoda i izdataka budžetska rezerva je planirana u iznosu od 12.000 KM. U odnosu na plan budžeta za 2025. godinu (7.011.000 KM) predstavlja povećanje od 9,83%, odnosno

za 689.000 KM. U tabeli koja slijedi data je projekcija rashoda i izdataka planiranih Budžetom Općine Olovo za 2026. godinu:

Pod kategorij	Naziv konta	Prijedlog 2026. godina
611000	Plaće i naknade troškova zaposlenih	1.632.600
612000	Doprinosi poslodavca i ostali doprinosi	70.400
613000	Izdaci za materijal, sitan inventar i usluge	845.900
614000	Tekući transferi i drugi tekući rashodi	1.454.300
615000	Kapitani transferi	7.000
616000	Izdaci za kamate	30.700
821000	Izdaci za nabavku stalnih sredstava	3.258.500
823000	Izdaci za otplate dugova	288.600
	Pokriće ostvarenog deficita	100.000
	Tekuća rezerva	12.000
UKUPNO		7.700.000




Plaće i naknade troškova zaposlenih (611000) planirane su u iznosu od 1.632.600 KM što je u odnosu na rebalans plana tekuće godine više za 32.650 KM. U 2026. godini planirano je usklađivanje osnovice i boda za obračun plaća uposlenika Općine Olovo sa visinom utvrđenom za organe vlasti FBiH i potpisivanje Sporazuma između Općinskog načelnika i Samostalnog sindikata Općine Olovo. Plaće i naknade troškova zaposlenih u ukupnom budžetu Općine Olovo učestvuju sa 21,21%.

Izdaci za materijal, sitan inventar i usluge (613000) manji su za 191.150 KM u odnosu na rebalansa plan tekuće godine i planirani su u iznosu od 845.900 KM. Struktura izdataka za materijal, sitan inventar i usluge: izdaci za električnu energiju, izdaci za centralno grijanje, izdaci za usluge održavanje čistoće, materijal za opravku i održavanje cesta, usluge opravki i održavanja cesta, usluge održavanja ulične rasvjete, izdaci za naknade skupštinskim zastupnicima i dr. izdaci.

Tekući transferi i drugi tekući rashodi (614000) planirani su u iznosu od 1.454.300 KM i manji su za 217.350 KM u odnosu na rebalans plana tekuće godine

Tekući transferi planirani su kako slijedi:

Konto	Naziv konta	Prijedlog 2026. godina
614100	Tekući transferi drugim nivoima vlasti	270.500
614200	Tekući transferi pojedincima	598.000
614300	Tekući transferi neprofitnim organizacijama	423.500
614400	Subvencije javnim preduzećima	18.000
614500	Subvencije privatnim preduzećima i poduzetnicima	131.300
614800	Drugi tekući rashodi	13.000
	Tekući transferi i drugi tekući rashodi	1.454.300



Tekući transferi drugim nivoima vlasti planirani su u iznosu od 270.500 KM, od čega: transfer općinama u iznosu od 1.000 KM, transfer za izbore u iznosu od 17.500 KM, a transfer za JU Centar za socijalni rad Olovo u iznosu od 252.000 KM (redovna sredstva i tuđa njega i pomoć).

Tekući transferi pojedincima planirani su u iznosu od 598.000 KM, od čega za: ostale isplate pojedincima iz materijalno-socijalne sigurnosti nezaposlenih osoba u iznosu od 15.000 KM, za izdatke za vojne invalide, ranjene borce i porodice poginulih boraca iznos od 400.000 KM, za izdatke za raseljena lica – Općina u iznosu od 15.000, za isplatu stipendija (kantonalna sredstva) planirana su sredstva u iznosu od 88.000 KM, za ostale transfere pojedincima (porodilje, dažke karte i poticaje poljoprivrednoj proizvodnji - fizička lica) ukupno planirano 80.000 KM.

Tekući transferi neprofitnim organizacijama planirani su u iznosu od 423.500 KM, od čega: grantovi neprofitnim organizacijama u iznosu od 230.000 KM, grantovi boračkim organizacijama od posebnog značaja u iznosu od 6.000 KM, za JU „Centar za kulturu, sport i informisanje“ Olovo planirana su sredstva u iznosu od 180.000 KM, za JU Gradska biblioteka Olovo planirano je 5.500 KM, dok su za vjerske zajednice planirana sredstva u iznosu od 2.000 KM.

Raspodjela sredstava nevladinim/neprofitnim organizacijama vrši se u skladu sa Pravilnikom o načinu odabira projekata nevladinih/neprofitnih organizacija, na osnovu javnog poziva za predaju projektnih prijedloga koje će finansirati/sufinansirati Općina Olovo. Zaključak o raspodjeli sredstava, nakon bodovanja prijava/projekata od strane komisije, donosi Općinski načelnik. Zaključak o raspodjeli sredstava, s tabelarnim prikazom svih nevladinim/neprofitnim organizacijama koje ispunjavaju uslove javnog poziva, objavljuje se na web stranici Općine, nakon čega se zaključuju ugovori sa korisnicima. Izuzetno, realizacija grantova neprofitnim organizacijama: Udruženju „Organizacija porodica šehida i poginulih boraca općine Olovo“ Olovo, Udruženju „Organizacija ratnih vojnih invalida 92-95“ Olovo, mjesnim zajednicama Općine Olovo i JU Centar za kulturu, sport i informisanje Olovo vršiti će se u skladu sa odlukama Općinskog načelnika, na prijedlog Službe za opću upravu i društvene djelatnosti Općine Olovo.


Drugi tekući rashodi planirani su u iznosu od 13.000 KM, od čega za naknade za povrat više ili pogrešno uplaćenih sredstava iznos od 8.000 KM, dok je za izvršenje sudskih presuda i rješenja o izvršenju planiran iznos od 5.000 KM.

82 – Kapitalni izdaci

Ekonomski kod 8200000, planirani iznos od 3.547.100 KM i veći su u odnosu na rebalans plana tekuće godine (plan tekuće godine 2.433.550 KM) za 1.113.550 KM. Kapitalni izdaci su planirani kako slijedi:

Glavna grupa	Naziv konta	Prijedlog 2026. godina
821100	Nabavka zemljišta, šuma i višegodišnjih zasada	30.000
821200	Nabavka građevina	1.450.000
821300	Nabavka opreme	102.500

821500	Nabavka stalnih sredstava u obliku prava	487.000
821600	Rekonstrukcije i investicijsko održavanje	1.189.000
823200	Vanjske otplate	195.350
823300	Otplata domaćim pozajmljivanjima	93.250
UKUPNO		3.547.100



- Nabavka zemljišta, šuma i višegodišnjih zasada
- Nabavka građevina
- Nabavka opreme
- Nabavka stalnih sredstava u obliku prava
- Rekonstrukcije i investicijsko održavanje
- Vanjske otplate
- Otplata domaćim pozajmljivanjima

Izdaci za nabavku stalnih sredstava (821000) planirani su u iznosu od 3.258.500 KM, što je za 1.126.300 KM više u odnosu na rebalans plana tekuće godine

Nabavka zemljišta, šuma i višegodišnjih zasada (821100). Izdaci za nabavku zemljišta (821111) planirani su u iznosu od 30.000 KM i veći su za 26.000 KM u odnosu na rebalans plana tekuće godine. Projekcija urađena na zahtjev Odsjeka za urbanizam, geodetske i imovinsko-pravne poslove (u svrhu provođenja postupaka eksproprijacije zemljišta)

Nabavka građevina (821200). Izdaci za nabavku građevina (821200) planirani su u iznosu od 1.450.000 KM. Plan za tekuću godinu (rebalans) je 812.700 KM. Planirani izdaci su za 637.300 KM veći u odnosu na rebalans plana tekuće godine. Plan po kontima u okviru glavne grupe je sljedeći:

- 821211 - nabavka zgrada - izdatak je planiran sa 362.000 KM i manji je za 38.000 KM u odnosu na rebalans plana tekuće godine. Sredstva planirana za realizaciju projekta izgradnja Ratne bolnice Paska Luka =212.000 KM i izgradnju skladišnog prostora za potrebe CZ = 150.000 KM
- 821221 - vanjska rasvjeta, pločnici i ograde - izdatak je smanjen za 17.000 KM u odnosu na rebalans plana tekuće godine te ukupan plan za 2026. godinu iznosi 10.000 KM. Planirana je izgradnja novih javnih rasvjeta na području općine
- 821224 - objekti vodovoda i kanalizacije - izdatak je povećan za 894.300 KM u odnosu na rebalans plana, te plan za 2026. godinu iznosi 900.000 KM. Na kontu su planirani izdaci za realizaciju projekata: projekat detaljnih hidrogeoloških istraživanja na području općine Olovo, na lokalitetu "Banja" Olovo
- 821229 - ostali objekti - izdatak je umanjen za 202.000 KM i iznosi 178.000 KM u odnosu na rebalans plana tekuće godine (smanjenje 53,16%). Na kontu su planirana sredstva za realizaciju projekta uređenje izletišta Zeleni vir (mobilijar, rasvjeta, hortikultura) i realizacija projekta DALIA (Ugovor između Generalne direkcije za upravljanje vodama Mađarske i Općine Olovo).

Izdaci za nabavku opreme (821300) Izdaci za nabavku opreme (821300) planirani su u iznosu od 102.500 KM. Ovi izdaci su za 30.000 KM veći u odnosu na rebalans plana tekuće godine. Po kontima plan je sljedeći:

- 821311 – Namještaj. Izdatak planiran u iznosu od 5.000 KM. U 2026. godini planirana nabavka kancelarijskog namještaja za potrebe Općine Olovo,
- 821312 – Kompjuterska oprema. Izdatak je planiran u iznosu od 10.000 KM, a plan je nabavka kompjuterske opreme za potrebe Općine Olovo. Plan je manji za 5.000 KM u odnosu na rebalans plana.

- 821313 - Oprema za prenos podataka i glasa. Izdatak je planiran u iznosu od 30.000 KM, a plan je nabaviti videonadzor u naseljenom mjestu Olovo
- 821324 – plovna vozila. Plan je 23.500 KM (realizacija projekta DALIA – nabavka čamca sa pratećom opremom =procjena 12.000 eura)
- 821361 – Mašine, uređaji i instalacije planirani su u iznosu od 34.000 KM. Plan je za 26.000 KM veći u odnosu na rebalans plana (realizacija projekta DALIA – nabavka mašine za drobljenje plastike i izradu predmeta od plastike =procjena 15.000 eura)

Nabavka stalnih sredstava u obliku prava (821500). Izdaci za nabavku stalnih sredstava u obliku prava planirani su u iznosu od 487.000 KM i za 346.000 KM su veći u odnosu na rebalans plana za tekuću godinu. Plan po kontima glave grupe je sljedeći:

- 821512 - Licencija za korištenje zemljišta, patenata itd. Izdatak planiran u iznosu od 3.000 KM, na zahtjev administratora
- 821513 - Ulaganja u tuđa stalna sredstva planirana sredstva u iznosu od 400.000 KM u svrhu realizacije projekta izgradnja novog objekta osnovne škole u naselju Olovske Luke i uređenje parka kod OŠ „Olovo“ Olovo (rasvjeta i ograda). Plan je za 270.000 KM veći u odnosu na rebalans plana tekuće godine.
- 821521 - Studije izvodljivosti, projektne pripreme i projektovanja. Izdatak planiran u iznosu od 84.000 KM. Planirana realizacija projekta „Izrada RP Olovo“ (realizacija projekta će se financirati iz sredstava katastra) i izrada RP Ajdinovići SRCA (realizacija projekta će se financirati iz sredstava Investitora). Planirana izrada projekta za most „Garež“ Careva Čuprija.

Rekonstrukcija i investicijsko održavanje (821600). Izdaci za rekonstrukcije i investicijsko održavanje (821600) planirani su u iznosu od 1.189.000 KM i za 87.000 KM su veći u odnosu na rebalans plana tekuće godine. Plan po kontima glave grupe je sljedeći:

- Izdaci na kontu 821612 - rekonstrukcija cesta i mostova planirani su u iznosu od 1.099.000 KM. Plan za 2026. godinu je veći za iznos od 237.000 KM u odnosu na rebalans plana tekuće godine. Za realizaciju projekata obezbijeđen je dio sredstva (potpisani ugovori i/ili prihod razgraničen) i to:
 1. 50.000 KM Sanacija lokalnog puta Klecala-Musići i Klinčiči
Sredstva odobrio: Ministarstvo za rad, socijalnu politiku i izbjeglice ZDK
 2. 200.000 KM Infrastruktura Poslovna zona Golubište
Transfer odobrio: Ministarstvo za privredu ZDK
 3. 120.000 KM Sanacija i modernizacija putnog pravca Klecala-Musići-Klinčiči
Transfer odobrio: Federalno ministarstvo prostornog uređenja
 4. 90.000 KM Sanacija i modernizacija putnog pravca Klecala-Musići-Klinčiči
Transfer odobrio: Kantonalna direkcija za ceste ZDK
 5. 110.000 KM Sanacija i modernizacija putnog pravca Ajdinovići-Dolovi
Transfer odobrio: Ministarstvo za prostorno uređenje, promet i komunikacije i zaštitu okoline ZDK
 6. 111.395 KM Sanacija i modernizacija putnog pravca Klecala-Musići-Klinčiči
Transfer odobrio: Federalno ministarstvo prometa i komunikacija
 7. 197.462 KM Izgradnja putne infrastrukture i hidroinstalacija na lokalitetu poslovne zone Golubište Pilana
Transfer odobrio: Federalnog ministarstva razvoja, poduzetništva i obrta
 8. 130.000 KM Sanacija i modernizacija putnog pravca Klecala-Musići-Klinčiči
Transfer odobrio: Kantonalna direkcija za ceste ZDK
 9. 91.730 KM Asfaltiranje lokalnih pteva u MZ Kruševo
Transfer odobrio: Federalno ministarstvo raseljenih osoba i izbjeglica

Vlada FBiH je donijela odluku o dodjeli sredstva po Javnom pozivu za podnošenje prijave za finansiranje/sufinansiranje projekata od značaja za jedinice lokalne samouprave u Federaciji Bosne i Hercegovine od 10.03.2025. godine. Općina Olovo još uvijek nije potpisala ugovor o prenosu sredstava sa Vladom FBiH.

- Izdaci na kontu 821614 - rekonstrukcija zgrada planirani su u iznosu od 70.000 KM. Planirana realizacija projekta „Multifunkcionalna dvorana Olovo – završna faza (ozvučenje i video zid).
- Izdaci na kontu 821615 – rekonstrukcija stanova planiran je u iznosu od 20.000 KM (na zahtjev Službe za opću upravu i društvene djelatnosti), a planirana rekonstrukcija stanova u vlasništvu Općine Olovo (dodjela u zakup licima u stanju socijalne potrebe)

Izdaci za otplate dugova (823000). Planom Budžeta za 2026. godinu izdatci za otplatu dugova planirani su sa 288.600 KM, što je za 12.750 KM manje od rebalansa plana tekuće godine. Izdaci za otplate dugova (na poziciji otplata domaćim finansijskim institucijama) obuhvataju kreditno zaduženje u svrhu finansiranja projekta Izgradnja izletišta Zeleni vir (veza Odluka Općinskog vijeća Olovo o kreditnom zaduženju Općine Olovo broj: 01-01-3-921/22 od 24.05.2022. godine), te lizinga u svrhu nabavke stalnog sredstva višenamjenska radna mašina. Plan je sljedeći:

- 823211 – otplate stranim vladama planiran je u iznosu od 195.350 KM i
- 823331 – otplata domaćim finansijskim institucijama planiran je u iznosu od 93.250 KM i to: za izgradnju izletišta Zeleni vir iznos od 84.690,00 KM i za lizing u svrhu nabavke stalnog sredstva višenamjenska radna mašina u iznosu od 8.560,00 KM.

53 – Izvori sredstava rezervi

U skladu sa Zakonom o budžetima u Federaciji Bosne i budžetom se utvrđuje visina tekuće rezerve koja ne smije prelaziti 3% budžetskih prihoda bez namjenskih prihoda, vlastitih prihoda i bez primitaka. Sredstava rezerve planirana su u iznosu od 12.000 KM.

59 – Neraspoređeni višak prihoda i rashoda

Općinsko vijeće Olovo, na sjednici od 29.12.2022. godine, donijelo je Odluku o rasporedu viška rashoda nad prihodima ostvarenih u Budžetu Općine Olovo za 2022. godinu (broj: 01-01-3-27/23 od 29.12.2022. godine). U 2022. godini iskazan je gubitak u iznosu od 512.619,00 KM. Članom 3. Odluke utvrđeno je da se iznos deficita koji se pokriva precizira Budžetom Općine Olovo za svaku fiskalnu godinu u kojoj se planira pokrivanje deficita. U skladu sa članom 3. Odluke o rasporedu viška rashoda nad prihodima ostvarenih u Budžetu Općine Olovo za 2022. godinu, u Nacrtu Budžeta Općine Olovo za 2026. godinu, planiran je iznos od 100.000 KM za pokriće ostavrenog deficita iz 2022. godine.



Planirajmo i razvijajmo se zajedno!